



VERSOEK VIR BENOEMINGS OM VAKATURE TE VUL IN DIE RAAD VAN WESGRO

Ingevolge Artikels 5 en 6 van die Wet op die Wes-Kaapse Investerings- en Handelsbevorderingsagentskap, 1996 (Wet 3 van 1996), voortaan bekend as "die Wet", nooi die Wes-Kaapse Minister van Finansies, Ekonomiese Ontwikkeling en Toerisme, Mev Mireille Wenger, in oorleg met die Uit-voerende Burgemeester van die Stad Kaapstad, Mn. Geordin Hill-Lewis, belangstellende partye om die name van geskikte en paslike persone voor te lê wat vir aanstelling op die Raad van die Wes-Kaapse Toerisme, Handels- en Investeringsbevorderingsagentskap (Wesgro) oorweeg moet word. Hierdie aanstelling sal ingevolge Artikel 3 van die Wet gemaak word en behels die vulling van enige vakature, tans gaan daar vier (4) vakature wees in 2023. Ingevolge Artikel 3(2)(c), onderhewig aan subartikel (3), moet nie meer as tien direkteure deur die Minister aangestel word nie.

Ten einde vir aanstelling in aanmerking te kom, moet benoemdes voldoen aan die kriteria uiteengesit in subartikels 3(4)(b), 3(5)en 3(6)van die Wet, wat as volg lees:

- "3(4) (b) Die direkteure van die Raad moet, afgesien van voldoening aan die kriteria in subartikel(5) gestel, 'n leierskapsposisie beklee en oor bewese leierskapsvermoë beskik.
- 3(5) Enige direkteur, insluitende 'n ex officio direkteur, moet—
 - (a) oor kennis van toerisme, handel en investering beskik;
 - (b) oor ondervinding in die bevordering van toerisme, handel en investering beskik;
 - (c) in staat wees om by te dra tot die geïntegreerde en gekoördineerde bemarking van die Provinsie se sakebeeld;
 - (d) permanent woonagtig wees in die Provinsie; en
 - (e) 'n gesikte en paslike persoon wees.
- 3(6) Die Minister moet gepaste oorweging skenk aan die noodsaaklikheid van die Raad om breedweg die demografiese samestelling van die Provinsie te verteenwoordig."

Sy of haar verantwoordelikhede sal insluit bywoning van die algemene jaarvergadering en die vergaderings van die Raad gehou op sodanige wyse en op tye soos in die grondwet bepaal, asook ander pligte en funksies wat in die Wet gespesifiseer word.

Benoemings moet voorgelê word op die voorgeskrewe benoemingsvorm en vergesel wees van 'n omvattende curriculum vitae van die benoemde. Benoemingsvorms is verkrybaar by Adelaide Phillips (Adelaide.Phillips@westerncape.gov.za) of by die Wes-Kaapse Regering se webtuiste (www.westerncape.gov.za).

Nominasievorm kan afgelaai word (<https://www.westerncape.gov.za/general-publication/call-nominations-board-wesgro>)

Aansoeke moet gemerk word Wesgro Raadsbenoeming vir die aandag van Mev Ilse van Schalkwyk en op een van die volgende wyses aan die Hoofdirekteur: Ekonomiese Sektor-ontwikkeling gerig word:

- Per pos: Posbus 979, Kaapstad, 8000.
- Per hand: 10de Vloer, Waldorfgebou, St. George-wandellaan 80, Kaapstad.
- Per e-pos: Adelaide.Phillips@westerncape.gov.za met die onderwerp "Wesgro Raadsbenoeming".

Alle benoemings sal as streng vertroulik hanteer word. Benoemings moet op of vóór 12:00 op 05 Mei 2023 ontvang word. Geen onvolledige benoemings of benoemings wat ná 12:00 op die spesifieke datum ontvang word, sal oorweeg word nie.

Navrae: Ilse van Schalkwyk tel. 021 483 9494 of Adelaide Phillips, tel. 021 483 2771. Let wel: **Benoemings sluit om 12:00 op 05 Mei 2023.**

Die Wet op Wes-Kaapse Handels- en Investeringsbevorderingsagentskap, 1996 (Wet 3 van 1996) en die benoemingsvorms is beskikbaar by www.westerncape.gov.za.